



MEMORIA DE ACTIVIDADES 2018

REUNIONS

Leváronse durante o ano unha serie de reunións cos responsables políticos das distintas administracións, para explicarlle os nosos obxectivos e reivindicacións:

CONCELLO:

Alcaldía:

- **XANEIRO-2018.-** Solicitouse unha reunión urxente co Alcalde o día 17 de xaneiro, para explicarlle a decisión da asemblea xeral de 15 de xaneiro, de convocar outra concentración o día 2 de febreiro que se desconvocaría se somos recibidos antes desa data, a este acordo sumouse a federación Limiar.
- **FEBREIRO-2018.-** Solicitouse unha reunión co alcalde o día 25 de xaneiro, celebrouse o 5 de febreiro as 17:30 horas na alcaldía, asisten:
Concello: Alcalde, concelleiros de: facenda e Infraestruturas.
Agrupación: Lorinda Fernández, Manuel Solveira, José Manuel García, Rafael Gómez e Sara Rial, na que se tratan os seguintes temas:
 - Participar de forma directa nas propostas de elaboración das bases de subvencións para o 2018.
 - Que todas as liñas de subvencións para as asociacións veciñais dependan directamente da concellería de Participación que serán as seguintes:
 - Liña de subvención para festas patronais cando a organicen as asociacións veciñais (antes levaba Cultura).
 - Liña de subvencións en especie para actos festivos (antes levaba Cultura).
 - Liña de subvencións para actividades culturais (antes levaba Cultura e no 2017 non nos deixaron participar)
 - Liña de subvencións para equipamentos (levaba 3 anos pechada).
 - Liña de subvencións para actividades (a de sempre)
 - Liña de subvencións en especie para aluguer de locais para as asociacións veciñais.
 - Liña de subvencións para reforma de locais de propiedade municipal cedidos as asociacións veciñais.
- **MAR-2018.-** Convocase por parte do alcalde, unha reunión que se celebra o 12 de marzo de 2018 as 17:30 horas na alcaldía, asisten:
Concello: Alcalde, concelleiros de: facenda e Infraestruturas.
Agrupación: Lorinda Fernández, Manuel Solveira, José Manuel García, Rafael Gómez e Sara Rial, na que se tratan os seguintes temas:
 - **Orzamentos 2018.-** Procedese por parte do Alcalde e a concelleira de facenda a darnos unha explicación dos orzamentos para o ano 2018, que os levarán a pleno antes de maio condicionados a unha moción de confianza.
Explicáronsenos as partidas de participación cidadá, onde o apartado de subvencións sube de 50.000 a 65.000 euros, non chegando os 80.000 acordados na última reunión como compensación as actividades culturais que saíron de cultura e a perda das subvencións do ano 2017.
Comprometéronse a que se non dan aprobado os orzamentos antes do mes de xuño, levarían a pleno unha modificación de crédito para o pago dos distintos convenios.



- **MAR-2018.-** Solicitase audiencia co Alcalde o día 2 de marzo de 2018, celébrase o día 26 de marzo de 2018 as 17:00 horas na alcaldía, asisten:
Concello: Alcalde, concelleiros de: participación cidadá, facenda e urbanismo.
Agrupación: Lorinda Fernández, Manuel Solveira, José Manuel García, Manuel Fernández e Sara Rial, na que se tratan os seguintes temas:
 - **PXOM.-** Tal e como se quedara na reunión do outono pasado, preguntóuselle sobre como se encontra a petición realizada sobre a aplicación da lei 8/2013 e o decreto 66/2016 de regulamento xeral de estradas de Galicia; para converter en tramos urbanos aqueles que atravesen os distintos núcleos rurais do Concello de Ourense e así as vivendas afectadas poidan quedar dentro de ordenación no PXOM.
Contéstanos o concelleiro de urbanismo, que se realizará un estudio sobre os costes para que os citados núcleos contén con alienacións marcadas para sometelas posteriormente a informe favorable por a administración titular da estrada.
 - **Plan de obras.-** Despois de ter reunións co concelleiro de infraestruturas e co voceiro do PSOE, sobre como se ían desatascar as obras do plan de inversións (1ª fase 12 millóns 2016-2017) que quedaron sen realizar por falta de tempo e as da (2ª fase 8 millóns) que se ían desenvolver no ano 2018. Solicitamos do grupo de goberno:
 - 1º.- Se leve a pleno unha modificación de crédito polo importe das obras que quedaron sen executar da primeira fase no ano 2017.
 - 2º.- Se leve unha segunda modificación de crédito de 8 millóns de euros para executar as obras que estaban previstas para a segunda fase (2018).**Contéstáenos que se prepararán ambos expedientes de modificación de crédito para levalos a pleno o mais pronto posible.**
 - **Convenios.-** Debido o sucedido en anos anteriores e sobre todo no ano 2017, que se asinou o convenio o 29 de decembro que aínda non se cobrou, deixando dunha forma caótica a tesoureira da agrupación, tendo que negociar cos provedores o pago das facturas, solicitamos o grupo de goberno, que se non se da levado o presuposto a pleno para a súa aprobación ou se esta nos se produce antes do pleno de xuño, se leve a pleno unha modificación de crédito para asinar estes convenios no mes de xuño.
Contéstanos a concelleira de facenda, que o proxecto de presupostos levarase a pleno antes do mes de xuño cunha moción de confianza para poder aprobalos.
 - **Declaración de utilidade pública.-** Levamos esperando mais de seis anos dende que algunhas asociacións presentamos a solicitude de declaración de utilidade pública, que esta contemplada no artigo 34 do regulamento orgánico de participación cidadá, creemos nos beneficia a todos e non entendemos por que non se leva a pleno, se é por falta de informes, que sería moi grave ou por falta de vontade política; en todo caso solicitamos do grupo de goberno que realice as xestións precisas para que con carácter de urxencia se leve esta declaración a pleno, de non ser así e visto que se propuxo silencio administrativo, iríamos a un contencioso.
Contéstanos o Alcalde que unha vez se resolva por parte do xefe de servizo de participación o plan estratéxico de subvencións e as bases, daralle a orde de que informe sobre as solicitudes presentadas.
 - **Taxas por ocupación de espazos e edificios municipais.-** Visto o que esta sucedendo, que o Concello esta cobrando taxas por ocupación de espazos públicos as asociacións sen ánimo de lucro, recordarlle o Alcalde o seu compromiso asumido o 1 de outubro de 2016, de non cobra taxas as asociacións mentres non estea arranzado a declaración de utilidade pública e a reforma da ordenanza de taxas.
Contéstanos o concelleiro de participación que de momento non se están cobrando.



- **MAIO-2018.-** Solicitude de reunión urxente co alcalde o día 16 de maio, en cumprimento o acordo unánime da xunta de goberno de 8 de maio de 2018 como consecuencia da lentitude en dar solución os temas tratados na última reunión
 - Plan estratéxico, bases de subvención e convenio de colaboración.
 - Utilidade pública, taxas e regulamento de participación cidadá.
 - Plan de obras, modificacións de crédito.
- **XUÑO-2018.-** Solicitude de audiencia pública o día 29 de xuño, independentemente de cando o goberno municipal fixe a reunión e poidamos asistir ou non, o que si vamos a facer e cambiar o formato da solicitude de reunións, utilizando a fórmula recollida no artigo 23 do regulamento de participación cidadá, solicitando unha audiencia pública cos mesmos puntos a tratar que na citada reunión
 - Plan estratéxico, bases de subvención e convenio de colaboración.
 - Utilidade pública, taxas e regulamento de participación cidadá.
 - Plan de obras, modificacións de crédito.

Reunións Deputación

- **MAR -2018.-** Solicitouse audiencia co Presidente o día 2 de marzo, celébrase o día 26 de marzo as 18:00 horas na sala de xuntas da Deputación, asisten :

Deputación: Vicepresidente.

Agrupación: Lorinda Fernández, José Manuel García, na que se tratan os seguintes temas:

- **Subvencións as Federacións e Agrupacións.-** Expúxoselle o vicepresidente o seguinte:
 - Necesidade de aumentar a cantidade de subvención dos 50.000 euros actuais a 75.000 euros.
 - Apurar os tramites administrativos para que as subvencións estean concedidas antes do mes de xuño.
 - Por nas bases un tope de presuposto que non supere os 60.000 euros.

Contéstanos que con respecto o primeiro punto consultaríao co presidente e estudaríase esa posibilidade; con respecto o segundo punto daría as ordes oportunas para que así se faga e con respecto o terceiro punto estudaríase esa posibilidade e a forma de metelo nas bases para o ano 2019.

- **Subvencións as asociacións.-** Expúxoselle o vicepresidente o nos solicitaban a maior parte das 21 asociacións que conforman a Agrupación:
 - Solicitase que con carácter xeral as subvencións estean concedidas antes do mes de xuño.
 - Que se aumente dos 150.000 os 200.000 euros a cantidade destinada as subvencións para actividades culturais e recreativas.
 - Baixar de 1.500 a 1.000 euros o importe mínimo dos proxectos, ou dar a posibilidade de que un dos tres proxectos sexa de 1.000 euros.

O igual que no apartado anterior, contéstanos que con respecto o primeiro punto consultaríao co presidente e estudaríase esa posibilidade; con respecto o segundo punto daría as ordes oportunas para que así se faga e con respecto o terceiro punto estudaríase a posibilidade de que un dos tres o mínimo sexa de 1.000 euros.



ACTIVIDADES

Realizáronse unha serie de actividades organizadas para as asociacións de veciños do rural e periferia do Concello de Ourense, tendentes en primeiro lugar a facer piña entre nos a través de andainas, xogos, cursos e reunións de confraternización e en segundo lugar reivindicando e buscando solución os problemas que presenta na actualidade o rural e a periferia do noso concello, a través de audiencias cos responsables políticos das distintas administracións.

IX Andaina Veciñal: Realizouse o día 17 de marzo polas marxes do río Miño, coa participación de 140 persoas, entre adultos e nenos, os que se lle agasallou antes da saída cun detalle consistente nunha gorra co anagrama da agrupación.

Deuse a saída as 11:00 horas no campo da feira e fixéronse dos percorridos distintos:

Curto de 7 quilómetros, dirixido a persoas maiores e nenos, dende o Campo da Feira, Oira, pasarela de Oira, Parque Miño, pasarela centro comercial, A Chavasqueira e chegada o campo da feira.

Largo de 15 quilómetros, dende o Campo da Feira, Oira, pasarela de Oira, Parque Miño, Outairiz, O Tinteiro, A Chavasqueira e chegada o Campo da Feira.

A andaina descorreu sen incidencias, bo tempo e temperatura agradable, chegando tódolos participantes a liña de meta; no percorrido houbo 2 puntos de avituallamento abicados en Outairiz e a pasarela de Oira, neles repartíronse auga e froita.

Unha vez terminada a andaina as 13:30 horas, convidouse a tódolos participantes a un almorzo campestre no propio campo da feira, a base de empanada, tortilla, xamón asado, queixo embutidos, viño cervexa e refrescos.

A Andaina foi subvencionada polo **Concello e Deputación de Ourense**.

Viaxe cultural: Realizouse o sábado día 7 de Abril en autocar, a vila de Braga (Portugal), para coñecer a súa riqueza cultural e paisaxística, saíuse as 8:00 horas dende os puntos que fixaron as asociacións veciñais participantes.

Realizamos unha parada de media hora na Cañiza no restaurante "Os do Resero" para almorzar, as 11:15 horas chegamos a Braga, onde os participantes visitaron o Sameiro e o santuario do Bon Xesús ata as 13:30 horas que emprendemos viaxe para xantar..

As 14:15 horas xantamos no restaurante "Solar de Sant" Ana", pola tarde deuse tempo libre para visitar o casco antigo de Braga, ata as 19:30 horas que emprendemos regreso os puntos de partida.

O número de asistentes foi de 259 persoas que colaboraron con 25 euros para pagar o almorzo na Cañiza e o xantar en Braga.

O viaxe foi subvencionado polo **Concello e Deputación de Ourense**.

IX Convivencia Veciñal: Celebrouse o día 19 de maio, no recinto do campo da feira a partir das 13:30 horas, cunha participación de 593 persoas, repartidas do seguinte forma: 407 de pago, 62 rapaces e 24 invitados, entre autoridades, concelleiros e medios de comunicación, asistiron concelleiros do grupo de goberno e da oposición.

O xantar comezou as 14:30 horas, o menú consistiu polbo a feira, carne o caldeiro, bica, viño e licores. As 16:30 horas tivemos a actuación dun grupo musical e procedeuse o sorteo de 3 xamóns, finalizamos pasadas as 18:00 horas.

As entradas cobráronse a 15 euros para os adultos e a 10 para os rapaces maiores de 10 anos, o remate do xantar regalóuselle un detalle a cada participantes consistente nunha tarteira de barro, co anagrama da agrupación.

A convivencia foi subvencionada polo **Concello e Deputación de Ourense**.



Xuntanza do Nadal Realizouse o día 5 de decembro no Liceo, Tratase de render homenaxe a unha persoa por asociación integrada, pola súa contribución o movemento veciñal, coa entrega dunha placa conmemorativa a actuación de María do Ceo e uns pinchos para despedir o ano. Os actos foron subvencionados polo **Concello e Deputación de Ourense**.

Curso de poda: A finalidade do curso e que os participantes no mesmo adquiran técnicas de poda en tódalas variedades de árbores frutais. a duración do mesmo foi de 10 horas.

Participantes: 30 alumnos, os que se dotou dunha carpeta coa documentación necesaria para o seguimento do curso.

Clases teóricas: Impartíronse na sede social pola academia "Rúa Nova", de 18:00 a 20:00 horas, os días 6, 8, 13 e 15 de marzo.

Clase practica: Impartíronse nunha finca das Corregas (Barbadas) de 17:00 a 19:00, o día 20 de marzo, o desprazamento foi en autocar con saída da Alameda as 16:30, a finalización sorteáronse entre os alumnos 15 sérrochos e 15 tixeiras de poda.

Custo: O curso foi gratuíto, subvencionado polo **Concello de Ourense**.

Curso de enxerto.- A finalidade do curso e que os participantes no mesmo adquiran técnicas de enxerto en tódalas variedades de árbores frutais. a duración do mesmo foi de 10 horas.

Participantes: 30 alumnos, os que se dotou dunha carpeta coa documentación necesaria para o seguimento do curso.

Clases teórico-prácticas: Impartíronse na sede social pola academia "Rúa Nova", de 18:00 a 20:30 horas, os días 22, e 27 de marzo e 3 e 5 de abril.

Custo: O curso foi gratuíto, subvencionado pola **Deputación de Ourense**.

Curso de contabilidade: O obxectivo do mesmo e que os participantes adquiriran coñecementos básicos de contabilidade para asociacións e habilidade no manexo de excel, a duración do mesmo foi de 20 horas.

Participantes: 15 directivos das asociacións integradas.

Clases: Impartíronse na sede social pola academia "Rúa Nova", de 18 a 20:30 horas os martes e xoves dende o 8 de maio ata o 1 de xuño.

Custo: O curso foi gratuíto, subvencionado polo **Concello de Ourense**.

Curso de conservas: A finalidade do curso e que os participantes no mesmo adquiriran coñecementos de preparación e envasado de conservas.

Participantes: 30 veciños.

Clases: Impartíuse na sede social pola academia "Rúa Nova" os días 24 e 25 de maio de 18:00 a 20:30 horas, na sede social, cunha duración de 10 horas.

Custo: O curso foi gratuíto, subvencionado polo **Concello de Ourense**.

Cursos de arte floral: A finalidade dos cursos e que os participantes no mesmo, adquiriran técnicas en arte floral, construción de ramos, coronas, etc.

Participantes: 60 veciños, distribuídos en dous cursos.

Clases:

- 1º curso.- Impartíuse na sede social pola academia "Rúa Nova" os días 18 e 19 de setembro de 18:00 a 20:30 horas, cunha duración de 5 horas.
- 2º curso.- Impartíuse na sede social pola academia "Rúa Nova" os días 9 e 10 de outubro de 18:00 a 20:30 horas, cunha duración de 5 horas.

Custo: Os curso foron gratuítos, subvencionados polo **Concello e Deputación de Ourense**



Charlas e conferencias: Realizáronse as seguintes:

- Charla sobre a delimitación dos núcleos rurais no PXOM, para que as vivendas non queden fora de ordenación, impartida polo noso asesor de xurídico no mes de setembro..
- Charla sobre a certificación dixital de representación, necesaria para os tramites coas distintas administracións, impartida por Aurianet nos mes de outubro.
- Charla sobre as obrigas tributarias das asociacións veciñais con facenda, impartida por unha técnica da Axencia Tributaria no mes de novembro.
- Charla sobre a Diabetes, impartida pola Asociación Diabetica Auria, nos locais das asociacións integradas nos meses de maio, xuño, setembro e outubro.
-

José Manuel García Casares, con D.N.I. número 34936024J, en calidade de secretario da Agrupación de AA.VV. do Rural e Periferia do Concello de Ourense Miño.

CERTIFICO:

Que a presente memoria de xestión, foi aprobada por unanimidade, en sesión ordinaria da Xunta de Goberno do día 5 de Decembro de 2018.

E para que así conste, asino o presente os seis días do mes de Decembro de dous mil dezaioito.

